



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ephemerologivm Ecclesiastio-Rubricisticum Novum**

**Halden, Johann Baptist**

**Brixinæ, 1717**

Titulus XXX. De Festo SS. Trinitatis, & Dominica I. post Pentecosten.

**urn:nbn:de:hbz:466:1-39937**

*flexis genibus. Col. Alb. Si Completorium separatim dicatur à Vesperis solemnibus, convenit, ut Antiph: Salve Regina, quæ hodie incipit, in choro decantetur post Vesperas, non verò primùm post Completorium, ut Antiphona prædicta, sicut aliæ similes, inchoentur per Cantum Semper. Bauldry P. 4. c. 15. n. 2.*

Hodie, uti & alijs Sabbatis, in quæ incidit *Jejunium de Præcepto* extra

Quadragesimâ ac Tempus Paschale, non esse standum ad signum Angelicæ Salutationis, quod datur in Meridie (ob nondum scilicet dictas Vesperas &c.) sed primùm Vesperis, dictum est supra.

Ubi Festum SS. Trinitatis est *Titulus Templi*, Vesperæ hodiernæ dicendæ sunt Ritu duplici 1. Classicum Commemoratione tamen Dominicæ 1. post Pentec: sed solius.

## TITULUS XXX.

### De Festo SS. Trinitatis, & Dominica I. post Pentecosten.

**D**OMINICÂ I. post PENTEC: à plurimis jam Sæculis celebratur in Ecclesia Universali sub Ritu dupl. 2. Class. *Festum SS. Trinitatis*; Unde hæc Dominica annumeratur *Dominicis Majoribus* 1. *Classis*, hoc est, contra quodcunque aliud Festum ita privilegiatis, ut quodcunque aliud Festum, in hac Dominica alicubi occurrens, cedere, huic Festo, & in diem alium proxime non impeditum transferri debeat, etiam si sit 1. *Classis* v. g. *Patronus*, aut *Titularis*, ut notat Gavant. Tom. 2. Sect. 6. c. 19. n. 2. & cum eo Bauldry, constatque ex Rubr. Gen. X. Breviar. n. 1. Itaque

OFFICIUM ac MISSA in hac Dominica sunt de Festo SS. Trinitatis,

dicendo omnia, prout norantur in *PROPRIO de Tempore.*

In OFFICIO dicitur 9. Lectio de Homilia in Evang. Dominicæ I. post Pentec: cum Commemoratione ejusdem Dominicæ in Laudibus. Quòd si occurrat Festum Simplex, fit etiam de illo Commemoratio in Laudibus ibi, ubi SS. Trinitas non est Titulus Templi, sine 9. de eo Lectione, etiam si propriam alioquin habeat; quia 9. Lectio dicitur de Dominica occurrente. In tertiâ Antiphona ad Laudes Vox *omnium* Conjungenda est Vocis *ore* (non autem cum Voce *Patri*) ita, ut Sensus sit: *in Ore omnium.* Gav. loc. cit. n. 3.

Ad PRIMAM (quæ de reliquo dicitur ut in alijs Festis duplicibus per

2

an-



annum) dicitur Symbolum S. Athanasij *Quicumque &c.* & ad absolutio- nem Capituli Capitulum NONÆ.

In Missa hujus Festi *Gloria & Credo*: Oratio 2. de Dominica I. post Pentec. 3. de Festo Simplicis ( sed in Missis privatis tantum ) si quod occur- rat. Præfatio propr. Ultimum Evang. de Dominica I. post Pentec. *Col. Alb.* P. Didacus de Avendanno apud P. Gob. Tr. 3. n. 731. in append: lit. E. censet, in Missa SS. Trinitatis tories inclinandum esse caput, quo- ties nominatur SS. TRINITAS, ob ra- tiones ibi allatas.

*Vespera secunda* ( nisi cras occur- rat alicubi Festum 1. Classis ) sunt pariter de Festo SS. Trinitatis: An- tiphona eadem, quæ in *Laudibus*: Psalmi omnes de Dominica. Capi- tulum, Hymnus, & Oratio ut in I. Vesperis: Versus verò, & Antiphona ad *Magnificat* propr: uti norantur in *Loco. Col. Alb.* Quod si Feriâ 2. subsequente celebretur alicubi Fe- stum 1. Classis, ( v. g. *Festum Patroni*, aut *Dedicationis Ecclesie*, etiam trans- larum ) tunc *Vesperæ hodiernæ* totæ erunt de Festo illo 1. Classis, de Festo autem SS. Trinitatis fiet ibi tantum Commemoratio, & quidem de eo solo, id est, sine Commemora- tione Dominicæ hodiernæ, ac etiam sine Commemoratione Festi Simplicis, si quod cras occurrat. Si autem cras celebreretur alicubi Festum so- lummodo 2. Classis, tunc per Rubric:

Gener: XI. de *Concurr. Feslor: n. 2.* & Gav: *hic hodiernæ Vesperæ* totæ e- runt de Festo SS. Trinitatis, cum Commemoratione sequentis Festi 2. Classis, atque sine Commemora- tione hodiernæ Dominicæ, & Festi Simplicis, si quod cras occurrat: de hoc enim tunc fiet Comemoratio in solis *Laudibus*, ac Missis privatis cras- tini Festi 2. Classis. Si denique cras nec Festum 1. nec 2. Classis oc- currat, occurrat autem Duplex mi- nus, vel etiam majus, tunc in 2. Ve- speris Festi SS. Trinitatis fiet Com- memoratio de illo, postea Dominicæ hodiernæ, ac demum Festi Simplicis, si tale cras occurrat. Quod si cras occurrat Festum Semiduplex, tunc in 2. Vesperis hodiernæ Festi SS. Trinitatis post Commemorationem de Dominica fiet etiam de illo Com- memoratio, post hanc verò Festi Simplicis, si quod cras occurrat. Quod si crastina Feria II. sit prima dies Mensis non impedira, quæ de- cendum sit *Officium*, ac Missa Con- ventualis pro Defunctis, tunc hodie post *Vesperas* diei dicuntur *Vesperæ Defunctorum* modò alibi declarant. Exceptionem facit Bauldry P. 4. c. 15. n. 3. quoad Festum hodiernum Titulare.

Ubi SS. TRINITAS est Titulus Ec- clesie, ibi Festum SS. Trinitatis ce- lebrandum est *Ritu duplici* 1. Classis & cum *Obava*, quam pro ejusmodi Ecclesijs ei decrevit Sac. Rit. Congre- gatio



gatio hic apud Gavant: declaravit- que Octavam SS. Trinitatis in propria Ecclesia esse digniorem, quam Octavam Corporis Christi, adeoque diebus infra Octavam, quibus utraque simul occurrit, tam quoad Officium, quam quoad Missam, priorem Octavam praeferendam esse posteriori. Fit autem Officium ibi, ubi SS. Trinitas est Titulus Templi, sequentem in modum: 1. Vesperae dicuntur de Festo SS. Trinitatis, cum Commemoratione solius Dominicae I. post Pentec: (sine Commemoratione Festi Simplicis, si quod aut hodie, aut cras occurrat) uti & reliquum Officium de eodem Festo, prout notatur in PROPRIO de Tempore, cum 9. Lectione de Homilia Dominicae I. post Pentecosten, ejusque Commemoratione in Laudibus & Missa, sine Commemoratione Festi Simplicis, si quod simul occurrat, tam in Officio (in quo ad PRIMAM dicitur Symbolum S. Athanas: Quicumque vult &c.) quam etiam in Missa, in qua dicitur Glor: Cred: Praefatio propria, Communicantes Commune, & in fine Evangelium Dominicae I. post Pentec. Secundae quoque Vesperae integrae ibi dicuntur de SS. Trinitate cum Commemoratione Dominicae occurrentis, cui praemittitur Commemoratio Festi Duplicis subsequenter, postponitur autem Commemoratio Festi Semiduplicis, si tale cras sequatur; de Festo autem Simplicis etiam in II. Vesperis nulla

fit ibi Commemoratio, ubi SS. Trinitatis est Festum Titulare, si aliquod cras occurrat: nulla quoque fiet Dominicae hodie occurrentis Commemoratio in II. hodiernis Vesperis tunc, quando Festum Cras subsequens esset 1. aut 2. Classis, juxta Rubric. superius allegatam. Col. Alb. Diebus autem infra Octavam SS. Trinitatis (ubi ea cum Octava ratione Tituli Ecclesiae particularis celebratur) Officium fit Ritu Semiduplici, uti in Festo, exceptis Lectionibus, quae in I. Nocturno sumuntur de Scriptura occurrente. Pro II. autem, ac III. Nocturno per totam Octavam habentur propriae, à Sac. Rit. Congr. approbatae, quae extant in OCTAVARIO Romano statim in principio, nec non in Proprijs Ecclesiarum particularium OCTAVARIIS: de ordinanda autem MISSA infra hanc Octavam post dicitur.

Quia verò Octava SS. Trinitatis non est Privilegiata, sed infra illam celebrari etiam possunt Festa alia 9. Lectionum, non modò Duplicia (tam translata, quam non translata) sed etiam Semiduplicia infra eam occurrentia, uti etiam Semiduplex, occurrens in ipsa Dominica, translatum in proximè sequentem diem, non tamen Semiduplicia ultra unum diem translata, ideo, si Feria II. aut III. aut IV. respectivè infra Octavam SS. Trinitatis occurrat ejusmodi Festum, Officium & Missa dicitur



tur de Festo, cum Commemoratione Octavæ, in Laudibus, Missa, ac Vesperis, nisi Festum illud sit 1. aut 2. Classis; nam Festa 1. Classis nec in Officio, nec in Missa admittunt Commemorationem *Diei infra Octavam* (nisi Octava illa sit privilegiata, uti est Octava *Nativitatis Domini*, *Epiphania*, & *Corporis Christi*) Festa autem 2. Classis Commemorationem diei infra Octavam non privilegiatam admittunt solummodo in 2. Vesperis, si tamen postero die de eusmodi die infra Octavam fiat Officium, aliàs non. *Rubr. Gen. IX. n. 6.*

FERIÂ VI. ac SABBATÒ post Festum Corporis Christi, nisi occurrat Festum Duplex, Officium & Missa dicenda sunt de *Octava SS. Trinitatis*, ubi est Titulus Ecclesiæ, cum Commemoratione Octavæ Corporis Christi, & Festi Simplicis (si quod occurrat) ut postea dicitur. Si infra Octavam SS. Trinitatis occurrat Festum Simplex, sit de eo non tantum Commemoratio in Officio & Missa de Octava Trinitatis, sed etiam legitur de eo 9. Lectio in Matutino, si propriam habeat, idque non tantum ante, sed probabilius (juxta inferius dicenda) etiam post Festum S. Corporis Christi, prout infra dicitur, si Festum Duplex infra Octavam SS. Corporis Christi occurrat; cum nulla Rubrica id veter; & par sit ratio, quoad hoc, *Diei infra Octavam SS. Trinitatis cum Duplex occurrere*; Tamen enim

*Dies infra Octavam SS. Trinitatis* [non privilegiatam] non sit Festum Duplex, Decretum autem S.R.C. seu Rubrica nova de non omittenda 9. Lectio eo die infra Octavam SS. Corporis Christi, quò sit de Festo Duplex [dummodo hoc non sit 1. Classis] loquatur tantum de Die, quò occurrat Festum Duplex, non autem de Die, quò occurrat fieri Officium de Die infra Octavam alterius Festi; spectando tamen rationem, quam intendit ea Rubrica seu Decretum [ne scilicet *Lectio* de Octava Corporis Christi impediatur] æquè hic cessat, ut consideranti patebit, ac cessat in Casu, quò infra Octavam Corporis Christi occurrat fieri de Festo Duplex. De quo, & alijs huc pertinentibus plura dicentur in Decursu, nominatim de Casu, quò *Vigilia S. Joan. Baptista* occurrat infra OCTAVAS SS. Trinitatis, & Corporis Christi simul, ac exinde non leve oritur dubium, an die illi infra utramque eam Octavam occurrente Missa dicenda sit de *Vigilia S. Joannis*, an verò de alterutra Octava? *Missæ diebus infra Octavam SS. Trinitatis*, in quibus de currente Octava SS. Trinitatis sit Officium, dicitur sicut in Festo, cum *Glor. & Credo*. Oratio 2. *Concede*. 3. *Ecclesiæ*, vel pro Papa [ut notantur post Dominicam in Albis] si Festum Simplex, aut Dies infra Octavam SS. Corporis Christi non occurrat: nam

post  
Mif  
tio  
3. a  
per  
ed  
te  
cur  
Fes  
tio  
OE  
in  
in  
tan  
Co  
Tri  
uti  
SS.  
illis  
de  
fun  
fes  
stie  
ibi  
Fes  
est  
ac  
lel  
Pr  
eri  
cu  
n.  
Co  
mi  
leb  
en



post Festum SS. Corporis Christi in Missa de Octava SS. Trinitatis Oratio 2. est de Octava Corporis Christi, 3. autem *Concede*, nisi hæc quoque per Commemorationem; tertio Locò de Festo Simplici simul occurrente faciendam; extrudatur: nam occurrente simul Festo Simplici post Festum Corporis Christi, tertia Oratio erit de illo. Præfatio per totam Octavam SS. Trinitatis non tantum in Missa de Octav. SS. Trinit., sed etiã in alijs Missis, quæ infra Octavam tam ante, quam post Festum SS. Corporis Christi dicuntur, est de SS. Trinitate, nisi propriam habeant; uti habet *Missa*, quæ dicitur in Festo SS. Corporis Christi. Post quod etiam illis diebus, in quibus Officium fit de Octava SS. Trinitatis, terminandi sunt Hymni HORARUM per illa Verba: *JESU tibi sit Gloria, qui natus es &c.*

Supere est resolvenda hæc Quæstio satis controversa: An nempe ibi, ubi Festum SS. Trinitatis est Festum Titulare, seu Titulus Templi [uti est Oeniponti apud PP. Soc. JESU, ac multis alijs in Locis] adeoque celebratur cum Octava, dicendum ad PRIMAM sit Symbolum S. Athanasij, etiam Diebus infra Octavam? Aliqui cum Gavanto Tom. 2. Sect. 5. c. 20. n. 4. existimant, illud Soli Dominica Convenire, adeoque non nisi in Dominica, quæ Festum SS. Trinitatis celebratur, ac Die ejus Octavã [quæ eandem cum Festo Ritum, licet non

eandem Classẽ habere debet] esse dicendum. Alij cum P. Tob. Lohner Instruct. pract. 2. P. 2. Tit. 3. §. 5. in solo Festo dicendum autumant; eò quod ipsi duntaxat Festo ratione *Mysterij* [Trinitatis] Concessum Videatur; quemadmodum in Festo Epiphaniæ ratione *Mysterij* Invitatorium cum Psalmo *Venite* in I. Nocturno omittitur tantum in ipso Festo Epiphaniæ, non autem infra ejus Octavam. Denique eruditiss. Theophilus Raynaudus Tomo 15. [qui *Heteroclitia Spirituali* inscribitur] fol. 16. Columnæ 2. & alij cum ipso sustinent: dicendum id esse etiam infra Octavam, illis saltem, ut quidam limitant, diebus, in quibus Officium fit de Octava SS. Trinitatis, non tamen illis alijs, in quibus Officium fit de alio Festo simul occurrente, v.g. de S. Norberto, aut de Solennitate SS. Corporis CHRISTI. Rationem pro hac sua sententia dant; quod Officium Festi habentis Octavam celebrandum sit [variato solo Ritu] per se loquendo per totam Octavam, uti in Festo, quando Officium fit de Octava: atque ita Lugduni [ubi pariter Templum SS. Trinitati dedicatum habet Societas JESU] practitarum suò ævò fuisse ibidem tradit Raynaudus, Indigenæ utique Veteranus illius Domicilij. Cui ultimæ Sententiæ & ego [usque dum aliud Sac. Rit. Cong. decerneret, aut ab eadem decretum esse innovasset] ob eam accedo Rationem; quia



quia omnium maximè conformis Rubricis Breviarij Romani viderur. Nam juxta Rubricas illius Generales Tit. VII. de Octavis, n. 4. & 5. *Diebus infra Octavam, & in Die Octava,* nullò Festò Duplici aut Semiduplici impeditis, dicuntur omnia, exceptis Lectionibus, sicut in *Die Festi,* nisi aliter in proprijs locis notetur, mutato solo Ritu, aut ejus Classe, quatenus *Diebus infra Octavam* fit Officiù Ritu Semiduplici, & in *Die Octava* Ritu Duplici (respectivè minore, aut majore) eùm in Festo sit factum Ritu Duplici 1. aut 2. Classis: atqui in Festo SS. Trinitatis dicitur Symbolum, & aliud in proprio loco non notatur: ergo eùm tota Octava sit Continuatio Festi, dicitur id etiam quotiescunque de illa fiet Officium. Quòd si neges suppositum majoris, ac dicas, Symbolum in Festo SS. Trinitatis non dici ratione Festi, sed ratione *Dominicæ 1. post Pentecosten,* tunc manifestè falsitatis convincitur hæc Responsio ex Rubrica particulari ipsi Symbolo præfixa, quæ sic habet: *Sequens Symbolum dicitur in Dominicis tantum, quando fit Officium de Dominicæ ut in Psalterio, & in Festo SS. Trinitatis:* atqui in Festo SS. Trinitatis Officium non fit de *Dominicæ ut in Psalterio,* ergo falsum est, quòd tunc dicatur ratione *Dominicæ:* Cùm juxta modò citatam Rubricam nulla *Dominicæ* illud exigat, nisi illa, in qua fit Officium *ut in Psalterio:* & verò cum non de illa,

sed de Festo fiat Officium, & non illud, sed ipsum Festi Officium in Rubricis Generali citatà, tum in Rubrica propria hujus Festi attribuat hoc Symbolum, sine ullo planè fundamentò asseritur, ratione ipsius *Dominicæ* dici seu in Festo, seu in *Die Octava* Festi. Unde jure miratur Raynaldus, Gavantum locò citatò eximè mare, id *Dominicæ,* & non *Festò* assignatum: cum ipsemet Gavantum paulò antè præmittat: ideo in *Dominicæ* seu Festo SS. Trinitatis dicit hoc Symbolum, quia *Doctrinam à Trinitate* continet, quòdque non ratione *Dominicæ,* sed ratione Festi hoc dicatur, satis superque indicat Rubricæ à me citatæ. Atque his solvitur Fundamentum Gavanti Ad Fundam: P. Lohneri quòd antinet, negatur consequentia, & pariter: quia, quòd omittendum sit *Invitatorium, & Hymnus,* nec non *Consuetum Venite* in Festo *Epiphaniæ,* nec autem *infra Octavam,* nec in ipsa *Die Octava* illius Festi, habetur ex Speciali ea super re Dispositione ac Rubricâ Breviarij, ut ipsemet notat Lohnerus in Instruct. Practica citatà P. 5. in Notis ad Rubricas Breviarij Tit. VII. de Octavis num. 4. Licet cum ergo, uti iterum ipsemet tradit P. 5. citatà post Initium, *Littera B. Rubricæ* particulares derogent Generalibus in ijs, in quibus aliquid istis contrarium statuitur, mirum non est, quòd aliqua in Festo non



dicantur, quæ dicuntur per Octavam: similis autem Dispositio seu Rubrica particularis non habetur de dicendo Symbolo Athanasiano in solo Festo, non autem per hujus Octavam, si alicubi cum Octava celebretur, & de ista fiat Officium: ergo non tantum respectu aliorum Festorum, sed etiam respectu hujus Festi in Possessione manet Rubrica Generalis de Octavis, quæ universaliter disponit, ut mutato solo Ritu ac Classe idem Officium dicatur per Octavam, & in Octava, quod dicitur in Festo, variatis solum Lectionibus unius, aut plurium Nocturnorum &c: ergo à l. ad ultimum, sicuti Symbolum Athanasianum dicitur in Festo, ita etiam dicendum est per Octavam, quando sit de ista Officium, & simul in ipsa Die Octava: id quod ex ipso-mer Principio P. Lohneri, in ipsum-mer retorto, sic confirmo: Ratio dicendi hoc Symbolum in Festo SS. Trinitatis, ut ipse contra Gavantum docet, non est Dominica (alias concedere deberet, quod etiam dicendum esset in Octava) sed ipsum duntaxat Festum, cui ratione *Mysterij*, & ob hujus altitudinem concessum dicitur loco supra citato: Sed hæc ratio etiam pugnat pro Octava: cum juxta ipsum-mer hæc sit continuatio, seu prorogatio Festi, ac proinde idem requirens Officium, licet non sub eodem Ritu, aut Classe; & *Mysterium Trinitatis* non minus honoretur &

recolatur Officiò illò, quod dicitur per Octavam (cum sit idem, non tantum specie, sed quoad pleraque etiam in individuo) quàm illò, quod dicitur in Festo: ergo sicuti Officium Festi ob altitudinem *Mysterij*, seu *ratione Mysterij* exigit dici Symbolum, continens *sublimem ac expressam de ea Doctrinam*, ita etiam illud requiret Octava, quando de ea fit Officium. Dico: Quando de ea fit Officium: nam si die aliqua infra Octavam fiat Officium de aliquo alio Festo, v. g. *Corporis Christi*, non esse dicendum Symbolum in PRIMA ipsemet Concedo: quia cum non sit pars Officij, quod die illo dicitur, sed tantum Officij de Trinitate, jam cessat ratio illud dicendi, ex Rubricis allata pro alijs diebus: ergo sicuti quando infra Octavam SS. Corporis Christi celebratur Missa non de Octava Corporis Christi, sed de alio Festo Duplici occurrente, non dicitur *Sequentia: Lauda Spon Salvatorem*, quia hæc est tantum Pars Missæ SS. Corporis Christi; ita etiam, quando infra Octavam SS. Trinitatis celebratur Festum aliud, non dicitur ad primam Symbolum S. Athanasij; eò quod non sit Pars illius Officij, sed Officij SS. Trinitatis. Neque obstat, quod etiam in Festis infra Octavam SS. Trinitatis occurrentibus dicatur in Missæ Præfatio de S. Trinitate & in occurrentibus infra Octavam Corporis Christi Hymni etiam Festorum aliorum ter-



minentur per *JESU tibi sit Gloria*, non minus, quam cum *Officium* dicitur de Octava: Disparitas est: quia Variatio illa Præfationis, & finis seu Terminatio diversa Hymnorum est tantum accidentalis, Præfatio autem quoad Substantiam spectata, & Hymni, itidem quoad Substantiam spectati, sunt pars saltem integralis cujuscunque Missæ, & Officij, etiam Festivi, non autem Symbolum S. Athanasij, sed determinatè tantum Officij SS. Trinitatis, & certarum Dominicarum, illarum scilicet, in quibus fit Officium, ut in *Psalterio*: ergo in his tantum, non autem in illis habet locum.

Resolutioni hætenus datæ non video quid opponi possit, nisi forè illud, quod habetur in Rubricis Generalibus Breviarij Titulo 33. n. 2. ubi inter alia dicitur: Symbolum S. Athanasij dici ad PRIMAM in Dominicis ibi expressis, & in Dominica Trinitatis, *alias nunquã*: Verum quemadmodum Leges in speciem contrariæ sunt invicem conciliandæ *c. cum expediat*, ita etiam Rubricæ in speciem contrariæ sunt invicem concordandæ; certè Rubricam, modò in Contrarium adductam pro Lohnero, non habere sensum exclusivum Symboli Athanasij ab omni alio die habente idem Officium, quod habet Dominica Trinitatis, agnovit ipse Gavantus, dum non obstantibus dictis particulis illud saltem con-

cessit etiam diei Octavæ SS. Trinitatis, ubi celebratur cum Octava quamvis ex alio capite ad solam hanc non factis fundatè videatur id extēdisse. Dico igitur, cum Rubrica illius finis ibidem sit docere, in quibus Dominicis *non dicatur* (cum de his tantum regulariter, & abstracto à particularibus locis possit esse dubium) Sensum illorum Verborum: *alias nunquam* solummodo esse: quod in Dominicis solummodo ibi expressis (nempe in ijs, in quibus fit de Dominica, ut in *Psalterio*, & in Dominica SS. Trinitatis) illud Symbolum dicatur, non tamen, quòd non dicendum sit diebus illis, in quibus dicitur idem Officium, quod dicitur in Dominica Trinitatis, uti dicitur in hujus die Octava, & infra Octavam nullo alio Festo impeditam: nam in his non minus, quam in ipso Festo dicendum esse, eruitur ex Rubricis tum Generalibus, tum specialibus supra adductis, quarum una inter Partes Officij ipsius Festi Trinitatis distinctè collocat ac numerat hoc Symbolum, reliquæ autem Universaliter ac sine exceptione præscribunt, ut *per Octavam*, & *in Octava* dicatur idem Officium, quòd dicitur in ipso Festo, nisi aliter in proprijs Locis noceatur, Variato solummodo Ritu, & Classe, ac Lectionibus. Aio igitur: Rubricam in contrarium allatam ibi (ut illam ritè expendenti parebit)



disponere folummodo de Domini-  
cis, & determinare, in quibus regu-  
lariter, & abftrahendo à particula-  
ribus cafibus, juxta alias Rubricas  
regulandis, Symbolum Athanafij fit  
dicendum, & in quibus Dominicis  
non fit dicendum; non autem, an,  
& in quonam Feflo, ejuſve Oſtava  
id fit dicendum [ Cùm hoc ex alijs  
Rubricis Specialibus ac Generalibus  
jam fatiſ ſupérque conſtare ſupponar ]  
ac propterea ſignanter dicit :  
& in *Dominica Trinitatiſ*, non autem  
in *Feflo Trinitatiſ*, quâ tamen voce uti-  
tur in alijs locis, in quibus Symbolû  
huic Feflo aſſignat primò & per ſe,  
Dominicæ autem illi, in qua cele-  
bratur, tantùm per accidens, ratio-  
ne ſcilicet Feſti id requirentiſ; cùm  
alioqui *Dominica*, in qua Feſtum  
Duplex celebratur, non tantùm per  
ſe illud non requirat, ſed omnino po-  
ſitivè excludat. Soliditas hujus Re-  
ſponſionis confirmatur ex ipſo quo-  
dam loco Gavanti, exſtante P. 2.  
ſect. 6. c. 19. n. 1. ubi ait : Ne  
mireris, quòd Feſtum Trinitatiſ  
nunc dicatur *Feſtum*, nunc *Dominica* :  
nam utrumque verum eſt; & *ratione*  
*Dominica*, in qua ſemper occurrit,  
habet, quòd nunquam omittitur  
Officium Trinitatiſ, licèt eo die oc-  
currat alicubi 1. Clafſis Feſtum; *ra-  
tione Feſti* verò habet ea tantùm, quæ  
ſunt propria Feſtorum 2. Clafſis, pu-  
ta Cõmem: de Simplicii in Laud. &c.

Quòd ſi quærant Patroni Sen-

ſentia Lohneriana, cur in Feſto  
Epiphaniæ initiò Marutini non di-  
catur *Invitatorium*, *Psalmus Venite*, &  
*Hymnus*, dicantur autem *Infra* & in  
*Oſtava*? Reſpondeo, ideo id fieri;  
quia Eccleſia partialiter ſaltem aliud  
Myſterium in Feſto, & aliud per  
Oſtavam ea Variatione proponere  
intendit, ac recolere : In *Feflo* Ma-  
rutinum ideo incipitur ex abrupto  
ab Antiphona & *Psalmo*; quia *Viſâ*  
*Stellâ*, inquit Durandus. L. 6. c. 16.  
ſtatim venerunt Magi, mutò Nun-  
tiò, non loquente : omittitur etiam  
*Invitatorium*, ad deteſtandam, ut  
Alcuinus obſervat, fraudulentam  
Herodis Invitationem ad Chriſtum  
adorandum : Non canitur etiam  
*Hymnus* primo diè, quia perfectio-  
rum eſt cantare *Hymnos*, Conver-  
ſio autem *Gentium in ſolis* Magis  
conſiſtens perfecta non erat, uti  
ibid. myſticè exponit Durandus :  
*Psalmus* denique *Venite* initiò Ma-  
rutini die illo omittitur, quia dicitur in  
3. Nocturno itidem non ſine Myſte-  
rio : infra Oſtavam verò dicitur *In-  
vitarium* nomine *Magoſum*, alioſ  
*Invitantium* ad adorandum Chri-  
ſtum, uti iterum Gavantis loco cit.  
obſervat, apud quem plura de hiſ  
poſſunt videri : at verò in noſtro ca-  
ſu idem totaliter Myſterium, quòd  
recolitur in Feſto, recolitur & reco-  
lendum proponitur etiam per Oſta-  
vam : ergo lata eſt diſparitas. Hiſ  
jam pro typo elucubratiſ, ac deſcri-

A a

ptiſ,



pris, reperio celebrem, ac sæpius agitaram hanc controversiam etiam proponi à P. Georg. Gobat Operum ejus moralium Editionis recentioris (quâ antea carebam) Tom. I. P. I. Tr. V. n. 623. Append. 1. & 2. ac ibidem non tantum ab ipso, sed etiam à duobus alijs egregiè doctis (ut ipse appellat) Theologiæ, & respectivè SS. Canonum Magistris ad eundem omnino modum, quò paulò antè à me, ex iisdem omnino Principijs resolvi. Horum alter (ibi tacitò Nominè relatus) est P. Joann. Stoz,

primus SS. Canonum in hac Universitate Oenipontana Professor, cujus Discursus, quò suam ac meam Sententiam probat, adèò solidus eidem P. Gobato videbatur, ut dignum existimaret, quem ibi de Verbo ad Verbum referret, unà cum perinde solidis Responsis ad Argumenta, quibus triplicis generis Adversarij tum suam propugnant, tum nostram oppugnant Sententiam: dignum proin quoque erit, quem ibi legere benevolus Lector.

## TITULUS XXXI.

### De Ferijs infra Hebdomadam I. post Octavam Pentecostes occurrentibus, uti & de Festo SS. Corporis Christi.

**F**ERIÀ II. post Festum SS. Trinitatis, nisi faciendum sit de aliquo Festo (seu *Translato*, seu *non Translato*) Officium fit de ea, dicendo MATUTINUM & LAUDES, uti notantur Ferià II. in Psalterio cum Oratione Dominicæ præcedentis. Invitatorium est: *Venite exultemus Domino*. Post ejus primam consuetam Repetitionem statim subjunguntur in Psalmo *Venite hæc Verba: Jubilemus DEO salutari nostro &c.* omiſſis primis Verbis Psalmi. Lectiones Nocturni cum suis Responsorijs dicuntur uti notantur in Proprio de

Tempore Ferià II. infra Hebd. I. post Octav. Pentec. ubi extat sequens Rubrica: *Hac Nocte ponuntur Lectiones Regum, de quibus legitur usque ad Dominicam 1. Augusti: Si quid verò de his Libris superſit adveniente dicta Dominica, id, quod superesset legendum de his Libris, eò anno omittitur.* Cùm verò hesternà Dominicà ob Festum SS. Trinitatis in ea occurrens, non poterit legi (ut notat, ac loquitur Gobat: Tom. 2. Sect. 6. c. 19. n. 4.) Initium Libri primi Regum, ideo per Rubr. Gener. XXVI. n. 6. si hodiernà Ferià II. non occurrat Festum 9. Lectionis.